



МЕСЯЦА АВГУСТА В 17-й ДЕНЬ

Святáго мученика Мíрона

НА ВЕЧЕРНИ

Гóсподи, воззвах: **стихíры прáздника, глас 4.**

Подóбен: Звáнный свѣше:

Яже Жизнь, Богорóдице, зачѣнная, / умира-
еши за́коном естества / и прехóдиши от
земли́ к Небѣсным / ма́нием Вопло́щагося /
от пречы́стых и Божѣственных кровей Тво-
их. / Тѣмже от конѣц Тебѣ вси предстáша, / богог-
ласнии апóстоли Тя погребстí, / пѣсненно Тебѣ
вещáюще: / Одушевлѣнный Престóле всех Царя́ / и
честны́я Святы́ни Ковчѣже, / раду́йся, Ед́ина,
рóждшая Спáса душ на́ших.

Свѣта чистѣйшаго прíятелища, / светíльницы,
разóршии но́щь многобóжную, / Спáсовы апóсто-
ли, / óблак Божѣственный, / из негóже незаходí-
мый Свет возсия́, / егда́ дýхом престáвлену Тя от
мирсќих / увѣдеша, Благословѣнная, / к премíрней
радóсти óблаком преидóша, / исходными пѣсньми
Тя проводíвше / ко грóбу живонóсному, / Богорó-
дице, уповáние на́ше.

Да прáзднует тварь молѣбно: / всех Царíца к
Цáрству мы́сленному прѣйде, / сцáрствовати Цáр-
ствующему всею твáрию. / Ея́же рáди разруш́ися
áдово цáрство, / и мы от земл́и вознесóхомся, / и со
Ангелы ж́ити сподóбихомся. / Ея́же успѣнием соб-
рáся мы́сленное естество́ все, / патриáрси, прорó-
цы и с мученики апóстоли.

Стихіры святаго, глас 2.

Подобен: Егда от Древа:

Егда безбожное разжжение / всяку поपालяше страну, преблаженне, / тогда разжжешься теплотою Духа, / от Девы Богоотроковицы / проповедал еси Слова, в плоть облещася за благодать. / Тем и огня и мук претерпел еси лютая томления, / силою укрепляемь благодати.

Егда злоименитый враг тщашеся / ласканными украсти твою мысль, / тогда, мужеством удобряемь, / сопротивился еси тверде / и претерпел еси болезни, / к неболезненному покою приводящая ты, / мучениче достохвальне Мироне, / Небесному Царствию и вечному наслаждению.

Егда волюями жилами ты враг бияше, / строгании непрестанными изнуряя, мучениче, / плоть твою священную, / ко Христу взирал еси Подвигоположнику, / руку тебе простирающе Божественныя силы. / Темже, скончав течение, / улучил еси почести велики, / Мироне, страдальче предоблий.

Слава, и ныне, глас тойже. Самогласен:

Яже Небес вышшая, сущи, / и Херувим славнейшая, / и всея твари честнейша, / Яже премногия ради чистоты / Присносущнаго Существа приятельнице бывши, / в Сынóвне руке днесь всесвятую предаёт душу, / и с Нею исполняются всяческая радости, / и нам дарует велию милость.

На стихóвне стихіры праздника, глас 2.

Подобен: Дóме Евфрафов:

Песньми Твое честное / и богоприятное тело / провождающе, / Божественнии апостоли вопи́яху: / где ныне отходиши, Владычице?

Стих: Воскресни, Господи, в покой Твой, / Ты и Кивот святыни Твоея.

Приидите, земнороднии, / составим лик, / исходное вопиюще / на преставление / Богородицы днесь.

Стих: Клятсся Господь Давиду истиною / и не отвержется ея.

Земля убо Твоим погребением / благословися,

Дéво, / воздúх же восхождéнием / освятíся стрáнным, / закóном умéрши естества.

Слáва, и ны́не, глас то́йже. Самогласен:

Всенепорóчная Невéста / и Мáти благоволéния Отча, / Я́же Бóгу пронаречéнная / во Своé Емú жилище, / неслíтнаго соединéния, / днесь пречíстую дúшу Творцú и Бóгу предаёт, / ю́же Безплóтных сíлы боголéпно подьёмлют, / и к Животú преставляется сúщая Мáти Животá, / свещá непристúпнаго Свéта, / спасéние вёрных и уповáние душ нáших.

Тропáрь прáздника, глас 1:

В рождествé дéвство сохрани́ла есí, / во успéнии мíра не оста́вила есí, Богородице, / преста́вилася есí к животú, Мáти сúщи Животá, / и моли́твами Твоими́ избавляеши от смéрти дúши нáша.

НА УТРЕНИ

По 1-й стихоло́гии седа́лен, глас 3.

Подóбен: Красотé дéвства:

В Небéсная мýсленная Твоё дúшá, в рай чíстное Твоё тéло преста́вился, / от тли, Пренепорóчная, в мéсто свéтло, / сегó рáди возда́ст беззакóнным Господь, / лeсть бо соделаша честнóму Твоемú тéлу. / Тёмже со апóсто́лы вопи́ем: рáдуйся, Благода́тная.

Слáва, и ны́не, то́йже.

По 2-й стихоло́гии седа́лек, глас 4.

Подóбен: Удиви́ся Ио́сиф:

В рúце нас рáди вочеловéчшагося из Тебé преда́вши дúшу, я́ко Зиждителю Твоемú и Бóгу, / к жíзни нетлénней преста́вилася есí. / Тёмже Тя чéстно ублажа́ем, едíну чíстую и несквёрную, / и, Богородицу вси íстинно исповéдающе, взывáем: / Христа́ моли́, к Немúже преста́вилася есí, спасти́ дúши нáша.

Слáва, и ны́не, то́йже.

Канóн прáздника, со ирмосóм на 8. Кир Иоáнна Дамаски́на, глас 4.

Песнь 1

Ирмос: *Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Тоя успение.*

Девы отроковицы, с Мариамиею пророчицею, песнь исходную ныне воскликните: / Дева бо и еди́на Богомати ко приятию Небесному представляется.

Достойно, яко одушевленное Тя Небо, прияша Небесная, Пречистая, Божественная селения, / и предста, светло украшена, яко Невеста, Всенепорочная, Царю и Богу.

Канон святаго на 4, егже краегранесие: Пою, Мироне, твою миродохновенную благодать. **Иосиф, глас 2.**

Песнь 1

Ирмос: *Грядите, людие, / поим песнь Христу Богу, / раздельшему море и наставльшему люди, / яже изведе из работы египетския, / яко прослави-ся.*

Хвалу Богу, в памяти ликующе страдальца Мирона, днесь воспоём, / укрепльшему сего державу погубити борца.

Дар сам себе Благодетелю принёсл еси, и священно возложение, / и добро заколение, и благовонну жертву, / законно пострадав, мучениче многострадальне.

Яко мудр, яко чист храм, славне, от Девы Возсиявшаго, / устремившагося возмутити Божественное стадо / душетленного волка отгнал еси.

Богородичен: *Еди́на Бога неискусобратно родила еси, / Егже страсотерпцы мученицы исповедавшие, нам уподобльшася, / упраздниша прелесть, Чистая Владычице.*

Песнь 3

Ирмос: *Твоя песнословцы, Богородице, / живый и независтный Исто́чнице, / лик Себе совокупльшия, духовно утверди, / в Божественной памяти Твоей / венцев славы сподоби.*

От мертвых чресл произведшиися, естеством подобна, Чистая, исхождение разреши, / рождши

же сущую Жизнь, / к Жизни преставися Божественней и Ипостасней.

Лик богословов от конец, / свѣше же Ангел множества к Сиону идяку всеильным мановением, / достожджно, Владычице, Твоему погребению служаще.

Ин

Ирмос: *На камени мя веры утвердив, / разширил еси уста моя на враги моя, / возвесели бо ся дух мой, внигда пѣти: / несть свят, якоже Бог наш, / и несть праведен, паче Тебе, Господи.*

Возвѣсив твоѣ желаніе сердечное ко Господу, на Крест вознесшемся, / вознесен был еси, преславне, на древе стружемь, усердно же вопия: / яко несть праведен, паче Тебе, Господи.

Глагол твоих стрелами острыми пронзил еси мучителя в сердце, / доблий воине Царя Христа, всехвальне, и, поя, глагола еси: / несть праведен, паче Тебе, Господи.

Яко утро, яко день, возсияв, разорил еси мрак неведения, / просветил еси поюция всегда, Мироне многострадальне: / Ты еси Бог наш, и несть праведен, паче Тебе, Господи.

Богородичен: Недугующую безбожием тварь всю, / Бога рождши Исцелителя, Дево, исцелила еси преславно. / Темже, благодаряще, взываем Ти: / несть пречисты, паче Тебе, Владычице.

Кондак святаго, глас 4.

Подобен: Вознесыйся:

Измлада Христа возлюбив, преславне, / и Того соблюдая Божественныя заповеди, / к Тому притекл еси весь цел, / Мироне всечестне, / и со Ангелы молишия прилежно. / Проси всем почитающим память твою / оставления грехов.

Седален, глас 1.

Подобен: Гроб Твой, Спасе:

Огнедохновенно показался еси благовоние, / страданіем обоневаяши наша тезоименно сердца, / мучеников украшение и верных удобрение. / Темже, днесь всевятую твою память празднующе, / освящаемся вси любовью, чтущии тя.

Слава, и ныне, глас и подобен тойже:

Всечестный лик премудрых апостол собрася чудно / погребсти славно тело Твое пречистое, Богородице Всепетая, / с нимиже воспеша и Ангел множество, / преставление Твое честно хваляще, еже верою празднуем.

Песнь 4

Ирмос: **Неизследный Божий Совет,** / еже от Девы воплощения / Тебе, Вьшняго, / пророк Аввакум усмотряя, зовяше: / слава силе Твоей, Господи.

Чудо баше зрети Небо всех Царя одушевленное, / испражнения преходящее земная, яко чудна дела Твоя! / Слава силе Твоей, Господи.

Аще и непостижный Сея Плод, Имже небеса бьша, / погребение прият волею, яко мертв; / како погребения отвержется неискусобратно Родшая?

В преставлении Твоем, Мати Божия, пространнейшее тело Твое и богоприятное / Ангельская воинства священными крылы трепетом и радостию покрываху.

Ин

Ирмос: **Пою** Тя, слухом бо, Господи, услышах и ужасохся: / до мене бо идеси, мене ища, заблуждшаго. / Тем многое Твое снизхождение, еже на мя, / прославляю, Многомилостиве.

Спаса, и Бога, и Господа, возсиявшаго от Девы, исповедуя, славне, среди судища, / мучителей шатание терпением смирил еси / и многобожие потребил еси.

Никакоже устравився, стружемь и биемь, доблемудренне, / Ангелы удивил еси, зряция твоё терпение, / имже враги безплотныя погубив, и победоносен мученик был еси.

Сый Божественныя росы исполнен, / прошёл еси доблемудренно огненную пещь, / зрим в ней, Мироне мудре, / со Ангелы радующся и никакоже, блаженне, опаляемь.

Богородичен: **Велие** и страшное таинство рожества Твоего удивляет, Чистая, ум: / яко Бог вочеловечится из Тебе благостию изволи / во спасение мира и наздание.

Песнь 5

Ирмос: Ужасошася всяческая / о честнѣм успѣнии Твоѣм: / Ты бо, Неискусобрачная Дѣво, / от земли преставилася еси к вѣчным обителем / и к безконѣчной жизни, / всем, воспевающим Тя, / спасѣние подающая.

Да возгласят трубы богословов днесь, / язык же многовещанный человеческий ныне да восхвалят, / да огласит же воздух, безмерным сияя светом, / Ангели да поют Пречистыя Дѣвы успѣние.

Сосуд подобаше избранный, пѣнием Ти весь удивляемъ, Девѣце, исходен, / весь освящен Бѣгови, всем богоприятен, / и сей истинно являемый, Богородице Всепетая.

Ин

Ирмос: Просвѣщение во тьме лежащих, / спасѣние отчаянных, Христѣ, Спасе мой, / к Тебѣ утренюю, Царю мѣра, / просвети мя сиянием Твоим, / иного бо, разве Тебѣ, бѣга не знаю.

Богозарная и светоносная твоя пѣмь, / Святаго Духа силу в весь мир простираема, / просвѣщением благочестия озаряет сию чтущия / и доблести твоя возвещающия.

Юношски горькая томлѣния претерпел еси, яко безплотен, доблей мучениче: / одираеме бо коже терпел еси, якоже иному страждущу, славне, / силу невидимую яве укрепляемъ.

Миро твоя искапаша болѣзни, мучениче, благовоно, всяк смрад отгоня безбожия, / Христову же Святую Церковь благовоествуя присно, / верно ты и любовь яве блажащую.

Богородичен: О нас из Тебѣ Воплощеннаго неизглаголаным словом, Пречистая, моли, Благословенная, / яко да избавимся видимых всех и невидимых враг, Всенепорочная, / Тя, Богородицу, присно исповедающихи.

Песнь 6

Ирмос: Божественное сие и всечестное / совершающе празднество, / Богомудрии, Богоматере, / приидите, руками восплещим, / от Нея рождающегося Бѣга славим.

Из Тебѣ Жизнь возсія, ключи́ дѣвства не рушивши; / како́ убо пречистое и живоначальное Твое́ тѣло искушѣнія смѣрти бысть прича́стно?

Жизни бѣвши храм, жизнь присносу́щную улучила еси́: / смѣртию бо к животу́ премина́ла еси́, / Яже Жизнь ро́ждши воипоста́сную.

Ин

Ирмосъ: Ко́ Гóсподу от кѣта Ио́на возопи́: / Ты мя возведи́ из глубины́ ада, молю́ся, / да я́ко Избавителю во гла́се хвалѣнія / истины же Духом пожру́ Тебѣ.

Кроплѣнием твои́х кровей свящѣнных потопи́л еси́ дѣмонскія полки́, воине́ дóблй, / и, венѣц нося́, к Бóгу востѣкл еси́, победоно́сец быв изря́ден.

Видевше твоѣ́ лицѣ́, просветѣвшееся, мучители, Божѣственными светлосты́ми, страсотѣрпче, удиви́шася, / не позна́вше же Бóга, тьму при́яша, в вѣчную му́ку отсыла́еми.

Повелѣнием сурóваго мучителя́ терпѣл еси́ ко́жи отгъятие, / па́че естества́, достохвально́, показав́ еже к Бóгу чистое твоѣ́ желáние / и прѣсное, всеблаже́нне, возрѣние.

Богорóдичен: Зако́ны в Тебѣ обновлѣются, Дѣво, естества́: / па́че бо естества́ естество́м непостижи́маго, Бóга Емману́ила преслáвно родила́ еси́ / в наше́ вѣрных порождѣние.

Конда́к прáздника, глас 2:

В моли́твах Неусыпа́ющую Богорóдицу / и в предстáтельствах непрелóжное упováние / гроб и умерщвлѣние не удержáста: / я́коже бо Животá Мáтерь / к животу́ преста́ви / во утробу́ Всели́выйся приснодѣвственную.

И́кос:

Оградѣ́ моя́ помышлѣния, Христѣ́ мой, / ибо́ Стѣну́ мѣра воспѣти дерзáю, Чѣстную Мáтерь Твою́, / на столпѣ́ глаго́л укрепѣ́ мя и в тяжких мѣслех заступѣ́ мя, / Ты бо взывáющим и прося́щим вѣрою молѣ́ния исполня́еши. / Ты мне́ убо да́руй я́зык прино́сен и помысл непосты́ден: /

всякое бо да́ние сия́ния от Тебе́ низпосыла́ется,
Светопода́телю, / во утробу всели́вшийся присно-
де́вственную.

Песнь 7

Ирмос: Не послужи́ша тва́ри Богому́дрии, / па́че
Созда́вшего, / но, о́гненное преще́ние му́жески
попра́вше, / ра́довахуся, пою́ще: / препе́тый отце́в
Госпо́дь и Бог, благослове́н еси́.

Юноши и де́вы, Де́выя же и Богома́тере па́мь
чту́ще, / ста́рцы и мона́си, ца́рие и суди́и, по́йте: /
оте́ц на́ших Госпо́ди и Бо́же, благослове́н еси́.

Да востру́бят трубо́ю духо́вною го́ры Небе́с-
ныя, / да ра́дуются хо́лми, и да игра́ют Божество́н-
нии апо́столи: / Цари́ца к Сы́ну преста́вляется, с
Ним ца́рствующи.

Всесвяще́нное преста́вление Божество́нныя
Твое́я и Нетле́нныя Ма́тере / премы́рныя Вь́шних
сил совоку́пи́ чи́ны, / веселы́тся с су́щими на
земли́, Тебе́ пою́щими: / Бо́же, благослове́н еси́.

Ин

Ирмос: О́бразу злато́му, на по́ле Де́йре служи́му, /
три́е Тво́и о́троцы небрего́ша безбо́жнаго веле́-
ния, / посреде́ же о́гня вве́ржени, ороша́еми, по-
я́ху: / благослове́н еси́, Бо́же отце́ на́ших.

Ум твой, све́тло распаля́емь, му́дре, Божество́н-
ным желáнием, / ра́довашеся и веселя́шеся, посре-
ди́ пла́мене стоя́щу тебе́, я́коже три́ем юно́шам, / с
ни́миже ве́рно взыва́л еси́: / благослове́н еси́, Бо́же
оте́ц на́ших.

Зря́ще в пла́мени стоя́ща ты, му́дре, посреде́
А́нгел, / зра́ком неизглаго́ланным блиста́юща, зри́-
тели удивы́шася / и, к пе́нию прило́жшеся, Влады́-
це взыва́ху: / благослове́н еси́, Бо́же отце́ на́ших.

Умо́м чи́стым сто́я, со у́мными пое́ши А́нгелы,
посреде́ пе́щи ра́дуяся, / Преблага́го Госпо́да,
я́коже обузда́юща пла́мень, пою́ща ты спаса́юща: /
благослове́н еси́, Бо́же отце́ на́ших.

Богоро́дичен: Вмести́лище Бо́жие, и пала́та
красна́, и Божество́нный престо́л, / на не́мже се́де,
угото́ва всем седе́ние Небе́сное, яви́лася еси́,
Пречи́стая Де́во. / Сего́ ра́ди взыва́ем: / Благосло-
ве́нная, Я́же Бо́га плоти́ю ро́ждшая.

Песнь 8

Ирмос: *Отроки благочестивыя в пещи / Рождество Богородичо спасло есть, / тогда убо образуемое, / ныне же действующее, / вселенную всю воздвизает пети Тебе: / Господа пойте, дела, / и превозносите Его во вся веки.*

Память Твою, Чистая Дево, / Начала же, и Власти, и Силы, Ангели, Архангели, / Престоли, Господства, Херувими славят и страшнии Серафими; / человеческий же род — поем и превозносим во вся веки.

Иже странно вселившийся, Богородице, в чистое чрево Твое, воплощаемь, / Сей, всесвященный дух Твой прием, / у Себе упокои, яко должник Сын, / темже Тя поем, Дево, и превозносим во вся веки.

О, выше ума чудес Приснодевы же и Богоматере! / Во гроб бо всельшися, покажи рай. / Ему же предстояще днешь, радуящеся, поем: / Господа пойте, дела, и превозносите Его во вся веки.

Ин

Ирмос: *В пещи отрочестей прообразил еси иногда Твою Матерь, Господи: / образ же Сия из огня изымаше неопально входящия. / Юже поем, явльшуюся Тобю концем днешь, / и превозносим во вся веки.*

Непобедима зря безумный мучитель, ты, добле-мудренне, / егда ремение кроюще даже до самых костей, приложи ногтями терзати ты, / язвами нестерпимыми уязвився неисцельно.

Глагол Божий с Небес в услышание всего народа, мучениче, принесся тебе, Мироне, / ко онем ты призывающ неизреченным поклоном, славне, / и Ангельским красным ликостоянием.

Стоял еси, якоже Даниил, среди зверей, стыдящихся блаженных страсти / и подвигов твоих, преблаженне, неизчетнаго величества, / живым же глазом твоим заступаемых.

Богородичен: *Устрелен стрелою врага, душу до конца уязвих, и неисцельно стражду: / Яже Спаса Христа неизреченно рождши, Пренепорочная, / исцели мя и спаси, упование ненадежных.*

Песнь 9

Ирмос: *Всяк земнорóдный / да възгра́ется, Ду́хом просвещáемь, / да торжествует же Безплóтных умóв естество, / почита́ющее священное преставлѣние Богомáтере, / и да вопи́ет: / раду́йся, Всеблаже́нная Богорóдице, / Чíстая Приснодево.*

Приидіте в Сион, на Божѣственную и тучную Гóру живáго Бóга, / возра́дуемся, Богорóдицу зряще: / к зело́ бо лúчшей и Божѣственной сэни, / я́ко Мáтерь, Сию́ во Свята́я святыхъ Христóс преста́ви.

Приидіте, вѣрнии, ко грóбу пристúпим Бóжия Мáтере / и обѣмем, сердцý и устна́ми, очесý и лицѣм чíсто прикаса́ющесе / и почерпа́юще исцелѣний незавѣстныхъ дáры от истóчника приснотеку́щаго.

Прими́ от нас песнь исходную, Мáти живáго Бóга, / и светонóсною Твоёю и Божѣственною осени́ благодáтию, / вóинству — победительная, христоро́бным лю́дем — мир, / оставлѣние — пою́щим и душáм спасѣние подаю́щи.

Ин

Ирмос: *От Бóга Бóга Сло́ва, / неизречѣнною мýдростию пришѣдшаго обновіти Ада́ма, / я́дию в тлѣние па́дшаго лóте, / от Святы́я Дѣвы неизречѣнно воплоті́вшагося нас ра́ди, / вѣрнии, единомýдренно пѣсньми велича́ем.*

Да бóдущую сла́ву и несказáнную добрóту / Христá Подвигополо́жника вѣдети сподóбишися, дóблественне, / прекланя́еши вѣю, и приѣмлеши мѣчное усечѣние, / и радости мученик исполня́еши Божѣственныя полкы́.

Я́коже сладкодохновѣнное мѣро, достохвáльне Мѣроне, благовóнствующее сердцá вѣрных, / достохвáльная пáмять тво́я желáющим настá, / в нѣйже торжествующих нас благовонія Божѣственнаго тво́ими молѣтвами испóлни.

Тво́ими Ахáия хвáлится пеленáми и страдáнии, дóблій Господень страдáльче, / мно́жае же красит́ся Кѣзик, многострадáльное тѣло держá, / я́ко богатство́ и́стинное, и истóчник исцелѣний, и недóгов очисти́лище.

Святых всех избранный в Вѣшних, мѣти градѡв Сиѡн мысленный, / первенец, якоже пѣшет, красная Цѣрковь, / яко мученика, о нас молящася, ты имать мучеников верх.

Богородичен: Глас вопиѣм Ти вси Ангелов, Дѣво, палѣто и престѡле Бѡжий: радуйся. / Ёюже сподобихомся Небѣснаго Цѣрствия, дрѣвле отринѡвеннии тлѣнием / и доброту первую несмысленно погубившии.

Светѣлен прѣзднака.

Подѡбен: Учеником зрящим:

От земли на Небеса преставльшиися, Твоего наследия, Чѣстая, не остави: / роди христіанстии утверди, язѣки укроти, / и пролей мир в концы мѣра.

Слава, и ныне, тойже.

На стихѡвне стихѣры, глас 6.

Подѡбен: Триднѣвен:

Глаголом Божественнаго Гавриѣла послѣдующе, / радуйся, Тебѣ зовѣм, Чѣстая. / Ты убо Пресвятая и Мѣти Господня, / к Сему преставльшиися, / поминай о воспевающих Тя.

Стих: Воскресни, Господи, в покой Твой, / Ты и Кивѡт святѣни Твоея.

Неизмѣрная Премудрость Бѡжия / храм Себѣ паче ума, Богородице, созда / из Тебѣ Духом Святѣм / и ныне Тя к невещественным селѣнием / прѣстави, Всепѣтая.

Стих: Клятсѣ Господь Давѣду истиною / и не отвержется ея.

Раб, ныне прихожду к Тебѣ, Мѣтери всех Бѡга, / от всяких избавитися напѣстей моляся, / но, о Богородительнице, / царствующи с Сыном Твоим, / христіанский род сохраняй.

Слава, и ныне, глас 3:

Приидите, вси концы земнии, / честное преставление Богомѣтере восхвалим, / в руке бо Сына душу непорочную положи. / Темже святѣм успением Ея мир оживотворися, / во псалмѣх, и пѣниих, и пѣснѣх духовных / со Безплотными и апѡстолы прѣзднует светло.

НА ЛИТУРГИИ

Блаженны праздника, песнь 3-я, обою канонов со ирмосом на 6.

Святой мученик Мирон был пресвитером в Ахаии (Греция), жил в III в. Пострадал в 250 году при императоре Декии (249—251). Пресвитер был кротким и милостивым к людям, но вместе и мужественным в защите своих чад. Однажды, в праздник Рождества Христова, он совершал Богослужение. В храм вошел местный правитель Антипатр с воинами, чтобы схватить молящихся и повести их на мучения. Видя это, святой Мирон стал горячо заступаться за паству, обличая правителя в жестокости. Святой был предан истязаниям. Его повесили и строгали тело железными гребнями. Затем пресвитера бросили в раскаленную печь, но Господь сохранил мученика, в то

время как близстоящие, до 150 человек, были опалены вырвавшимся из печи огнем. Тогда правитель стал принуждать мученика поклониться идолам. Получив от святого Мирона твердый отказ, Антипатр приказал резать ремни из его кожи. Святой Мирон взял один из ремней и бросил его в лицо мучителю. Придя в ярость, Антипатр велел строгать святого Мирона железом по ободранному телу, а потом отдал мученика на съедение зверям. Но звери его не тронули. Чувствуя себя побежденным, Антипатр в бессильной ярости покончил самоубийством. Святого Мирона отвели в г. Кизик, где ему отсекли голову мечом (†250).



В
ТОЙЖЕ
ДЕНЬ

Преподобнаго Алипия, иконописца Печёрскаго, в Ближних пещерах почивающаго

НА ВЕЧЕРНИ

На Господи, возвах: стихиры, глас 4.

Подобен: Званный свыше:

**Образ славы Божия во умé своём имéя вѣну, /
преблаженне отче Алипие, / дѹшу свою образо-
вал еси добродетельными испещрѣнии, / желая
сию красну Троицней славе явити, / отнюдуже
шары* приёмь духовныя благодати, / был еси
чудотворец преизряден, / и Егѳже лице в сердце
твоём начертал еси, / с Ним и царствуеши ныне; /
Того о нас моли, преподобне, / даровати нам мир и
славы Своея наслаждение.**

**Зритель лица Божия хотя быти, / поставил еси
во умé своём, отче, / вѣну зрѣти Сладчайший образ
Иисусов; / тем положив камень послѣдняго смире-**

* шары — краски

ния, / потёр вапы* безпрестанных молитв, / ра-
створив тья слезными потоки, / написал еси на
сердце плотянем видение невидимыя славы Прес-
вятыя Троицы. / Ейже ныне предстою, моли о нас,
святе, / улучити милость и лица Божия сладкое
видение.

Написуя зраки святых, / неописанныя славы
Божия желанием распалився, / нарисовал еси
шарами благих деяний / на скрижалях сердца
своего / зрак непрестанныя любви к Пречистой
Богоматери, / Ейже художеством твоим послу-
жив, / чудотворивыя благодати сподоблься, / при-
ял еси мзду безконечнаго воздаяния; / и ныне, со
Ангелы водворяяся, / моли о нас, преподобне, /
умирити мир и спасти души наша.

Слава, глас 8:

Образ человеческий иногда лестию вкушения /
змий вселукавый обезславивый, / ныне, тебе, отче,
благодать от Бога приемшу, / исполнися студа, / не
стерпе бо на иконы твоего художества взирати, /
яже чудотворными лучи тьму разгоняют / и пода-
ют всем притекающим с верою исцеления дары; /
сих и нас причастники сотвори, / в нынешний день
память твою совершающих, Аліпие мудре.

И ныне, праздника.

На стиховне стихиры праздника.

Слава, глас 4:

Мысленное начертание души своея имый свет-
ло, / преподобне отче наш Аліпие, / светлыя
благодати и чувственне сподобился еси, / юже
изъявляше икон твоих написание / и требующим в
недугех исцеления подавание. / Тем молим тя,
всехблаженне, / безобразие душ наших добродетельми исправи / и страстные струпы наша шара-
ми молитв твоих исцели, / якоже прокаженного
иногда, / да славим тя хвалами, преподобным
украшение.

И ныне, праздника.

* вапы — краски

Тропа́рь, глас 8:

Зраки изобразу́я святы́х на дщи́цах, / сих благо-
дея́ния спешно, / я́ко иску́сен худо́жник, все-
хва́льне Алі́пие, / написова́л еси́ на скрижа́лех
твоего́ се́рдца / и сего́ ра́ди, а́ки о́браз, благоле́пне
укра́шен, / священ́ства благода́тию, а́ки зла́том,
обложі́лся еси́ / от Христа́ Бо́га и Спа́са душ
на́ших.

Сла́ва, и ны́не, пра́здника.

НА УТРЕНИ

Кано́н пра́здника и преподо́бнаго, глас 8.

Песнь 1

Ирмо́с: *Песнь возслём, лю́дие, / чу́дному Бо́гу
на́шему, / свободи́вшему Изра́иля от рабо́ты, /
песнь победную́ пою́ще и вопи́юще, / по́йм Тебе́,
Еди́ному Влады́це.*

Песнь возсла́ти пода́ждь, Христе́, по́мощь свѣ́ше
рабо́м Твои́м, / да принесе́м от те́пल्या любве́
хваление́ в па́мяти уго́дника Твоего́ / Тебе́, Еди́но-
му Влады́це.

Благода́ти умно́жившейся, процвета́ше ве́ра, / и
умно́жашеся полк преподо́бных на горе́ Печер-
стей, / імже соо́бщник в жити́й хотя́ быти препо-
до́бный, / при́иде послужи́ти Еди́ному Христу́ и
Влады́це.

От ю́ности твоея́ вдáлся еси́ роди́тели свои́ми,
преподо́бне, / в науче́ние ико́ннаго писа́ния, / ему́-
же усер́дно прилежа́, / написова́л еси́ в се́рдце
своём целому́дрие и чистоту́, / я́ко от обои́х был еси́
раб своему́ Влады́це.

Чу́дное твоё послуша́ние дивнаго́ ты чудесе́
зрители́ показа́, о́тче, / ви́дел бо еси́ о́браз Влады́-
чицы, изображе́н нерукотворенне, / и, от сего́
виде́ния большо́ю любо́вию к богомыслию разго-
ре́всь, / се́рдце своё уготовля́л еси́, а́ги скрижа́ль, /
к написа́нию па́мяти о Христе́ Влады́це.

Богоро́дичен: **Скрижа́ле,** иму́щая Ду́хом Святы́м
написа́нный несказа́нно О́браз Ипоста́си О́тчия, /
моё злообра́зие, Ма́ти Де́во, во благообра́зие

благих деяний претвори, / да отныне угото́влюся
послужити Христу́, Бо́гу моему́ и Влады́це.

Песнь 3

Ирмос: *Несть свят, яко Господь, / и несть праведен, яко Бог наш, / Егóже поёт вся тварь: / несть праведен, паче Тебё, Гóсподи.*

Несть Тебё подобен в бозёх, Христё, / дёйством бо Твоегó Пресвятаго Духа изобразил еси́ ико́ну Матере Твоея́ нерукотворённе, / и бысть чúdo велие, / ему́же самовидец бе преподóбный Твой, Гóсподи.

Иже чудеса́ дёйствоваше, / Тóйжде излетё от уст ико́ны нерукотворённыя во óбразе голуби́нем, / Егóже ви́дев облета́юща внутрь цёркве, преподóбный Твой, Христё, / вся презрё и ничто́же в ми́ре сем возлюбí, паче Тебё, Гóсподи.

Óбраз сла́вы Бóжия ви́дев, преподóбне, / áбие измени́л еси́ мирский óбраз, быв чернорíзец, / дóбре напису́я добродётели изображéние, / ёже и нам вообрази́ тёплыми молíтвами тво́ими.

От ико́ннаго худóжества своего́, óтче, / навы́кл еси́ духо́вныя дётели вообража́ти, / дóбре бо убели́в свíток сёрдца своего́ слёзными потóки, / написáл еси́ пáмяти о Бóзе помышлéние.

Богорóдичен: *Ра́дуйся, свíтче, Богоневéстная Дёво, / на Нёмже пёрстом Бóжиим написáся Óтчее Сло́во, / напиши́ на свíтце сёрдца моего́ пáмять Стра́шнаго Судá / и грядúщими мучéнии удержи́ ё от злых, молíюся.*

Седáлен, глас 4:

Бóжия сла́вы зрíteля и ико́ннаго дёлателя премúдра, / кто с на́ми пёсньми тя не восхва́лит, преподóбне, / ви́дел бо еси́ от ча́сти чúвственне Святаго́ Духа,— ны́не же, предсто́я Вы́шняго Пре́сто́лу, / не зерца́лом, но лицём к лицу́ присносу́щную зрíши сла́ву Бóжию, / ея́же и мы да прича́стíмся, óтче А́липпе, молíтвами тво́ими.

Сла́ва, и ны́не, Богорóдичен:

Предста́тельница Святе́й Трóице, / предста́ни нам ско́ро, в днёшний день собра́вшимся в хра́ме

Твоём пречестнѣм, / и даждь славу преподѣбных
Твоихъ зрѣти славящимъ Тя, Дѣво, / молитвами
Твоими.

Песнь 4

Ирмос: Изъ горы приосенѣнная, Слово, пророкъ, /
единья Богородица, / хотѣща воплотитися бого-
виднѣ усмотри / и со страхомъ славословяше силу
Твою.

Изъ горы призвалъ еси вслѣдъ тебѣ тещи преподѣб-
наго Твоего, Христѣ, / тойже, мирскія молвы
отвергся, всею душею приложиися Тебѣ / и во умѣ
изображаше присно силу Твою.

Яко свѣтлая звезда, возсиялъ еси, отче, на горѣ
Печерстей, / добродѣтели бо отъ тебѣ, яко лучи,
прострошася, блаженне, / и освещаютъ днесь ты
величающихъ, / тѣмже и мы прославляемъ благодать
твою.

Не мзды ради, но ревностию двѣжимъ, прилежалъ
еси дѣлу своему / и отъ сего во благолѣпие нещадно
раздавалъ еси церквамъ Божіимъ, / яко да вси, зряще
на иконы твои, в любовь Божию сердца свои
обращаютъ.

Добръ дѣлатель явился еси, блаженне, винограда
Христова, / яко свойственно тебѣ со апостоломъ
глаголати: / не туне хлебъ ядохъ, / ибо рuce мой мне и
инѣмъ послужиште, / тѣмже приялъ еси отъ Бога
динаръ / и с благомыслии рабы славу присносущную
зриши.

Богородичен: Отъ чистаго сокровища чрева Тво-
его Динаръ явившая миру, / искупила еси темъ всехъ
отъ первороднаго долга, / Мати Божия, к Тебѣ
прибегаю, искупи мя отъ мысленныхъ заимодавцевъ, /
да присно славлю благодать Твою.

Песнь 5

Ирмос: Утренююще, вопиѣмъ Ти: / Господи, спаси
ны, / Ты бо еси Богъ нашъ, / разве Тебѣ, иного не
вѣмы.

Утренюющихъ славословіемъ к Тебѣ отъ унынія
возстави, отче, / и отъ мрачныхъ делъ к свѣту богора-
зумія молитвами твоими возведи умы наша, /
скораго бо тебѣ на помощь поспѣшника знаемъ.

От дѣла рукѹ твоєю, ѳтче, / в честь Единаго Бѳга в тричастное отлучал еси разделѣние: / иконному требованию, в монастырское дѣлание и в милостыню нищим, / и сим стяжал еси лучшее, присножелаемое рай селѣние.

День ручным дѣланием, / ночь же бдѣнием, молитвою и поклонѣнием провождал еси всегда, блаженне, / и тако, возложив руку на рало, / управлен был еси в Царство Бѳжие. / Тамо помяни и нас ходатайством твоим к Бѳгу.

Воссия солнце и виде твоѹ труды, святе, / ибо смиреніе, нестяжаніе, чистоту, терпѣние, постлюбовію ко всем растворял еси, / и сим восхожденіем возшел еси на высоту богомыслия / и Небеснаго дарованія сподобился еси.

Богородичен: *Утро мысленное, произведшая в мир великое Солнце, / озари наш ум и сердце / и сыны Свету покажи ны, молимтисѹ, Безневѣстная Дѣво, / Ты бо еси просвѣщеніе и упованіе наше.*

Песнь 6

Ирмос: *Ризу мне подаждь светлу, / одѣйся светом, яко ризою, / Многомилостиве Христѣ Бѳже наш.*

Ризу ангельскаго образа украсив шарами иноческих трудов, / возшел еси на высѳкий степѣнь священства советом наставника своего / и, на том стоя, аки светило, светом твоих дел многих просветил еси.

Ризу Крещенія окалявшему мне греха калом, / даждь умилѣние, святе, молитвами твоими, / да в нем испиру* и чист явлюся лицу Бѳжию: / се бо предстою, песнословя хвалу Твою брѣнными устнами.

Одѣжду священства приѣмь, / по подобію Великаго Архиерея, Сына Бѳжия, вшел еси, ѳтче, во внутренняя завѣсы, / приносити жѣртву Пожѣршемуся за грех всего міра, / твоими молитвами ныне, аки жѣртвою, и о нас, святе, Творца умилостиви.

Одѣян сый одѣждоу священства, / больших дарованій сподобился еси, / яко и одѣянных прока-

* испиру — вымою, сделаю чистой

жéнием молíтвами тво́ими исцеля́л еси́, / и нас, мы́сленне недúгующих, сими́ исцели́, мо́лимтися, преблагéнне.

Богорóдичен: Уязвívших нас грехолóбия стрелóю, уязвív, Пречíстая Дéво, / и побéгнут, студóм пораженi, дéмонския полкi, / Ты бо еси́ бесóм струп неисцельный.

Кондáк, глас 2:

От юности Божéственное в себé имéя начертáние, / вдан был еси́ в научéние икóннаго писáния; / и внегда́ небесi подобная Богорóдицы писáшеся цёрковь, / ты тáможде посóбствовал / и видел еси́ Дúха Свята́го осия́ние, / от Него́же прия́л еси́ чудес дéйство, / я́ко икóны тво́я чудотворя́ху, / тем ты чтим и ублага́ем, чúдне Али́пие.

Песнь 7

Ирмо́с: О́троцы еврёйстии в пещи́ / попра́ша пла́мень дерзнове́нно / и на рóсу огонь преложíша, вопи́юще: / благословéн еси́, Гóсподи Бóже, во вéки.

Дётски игра́юща сумнéнием в вéре праведно казнь Бóжия посты́же, / покры́ бо проказа́ лице́ его́, / сегó ты, óтче, исцели́л еси́ и оты́де, поя́: / благословéн Бог отéц нáших.

Исповéдавшему грех невёрствия своего́ / пёрвее приложíл еси́, блаженне, пока́яния пла́стырь, / и, душí исцелévшей, исцелé и лице́ помáзанием вап тво́их, / и той о тебе́ воспёт: / благословéн Бог отéц нáших.

И́же пёрвее обоня́ния грехóм острупívся, / по совету́ диáволу отча́яся спасéния наде́жды. / Се той па́ки, тво́им, свя́те, учéнием к Бóгу обратívся, исцелён бысть / и, избыв́ обо́их струпóв, воззва́: / благословéн Бог отéц нáших.

Тво́им, преподóбне, дивя́щеся чудесém мно́гим, зывáем соглáсно: / раду́йся, Елиссее́ но́вый, невёрующаго исцели́вый от проказы́, я́ко Неема́на, / и о тебе́ песнь óтроческую воспёт: / благословéн Бог отéц нáших.

Богорóдичен: Безобра́зие душí мое́я кто испра́вит, áще не Ты, Мáти Бóжия, / ша́рами блага́сти

Твоея тоя лицé в благообразиe претвориши? / И, благолéпие приéм, воспою: / радуйся, Образующая живописательне человéческий образ.

Песнь 8

Ирмós: *На горé святéй прослávльшася / и в купинé огнём Приснодéвы Моисéови тáйну явьшаго, / Гóспода пойте / и превозносите во вся вéки.*

Явй ты, óтче, всех Создáтель на горé Печёрстей доброцветущее ко исцелéнию дрéво, / плоды бо твоих молíтв всем к тебé приходящим подавал еси исцелéние неоскúдно, / и отхождаху здравы, превозносяще Гóспода во вéки.

Незлóбие сёрдца твоегó не лишй ты, преподóбне, великих даровáний, / никогдáже бо огорчйлся еси на оскорбляющих ты, / ниже воздал еси зло за зло, / тем и прослáви ты Христос zde и тáмо во вéки.

Сребролóбия омрачénнии тьмóю обличáху ты пред челóвечи, / но Бог изведé, яко свет, прáвду твою / и незлóбие твое, яко полúдне, / ископáвши же тебé яму впадóша в ню, / и студ их поминáют вси во вéки.

Седмй даровáнии дéйствуяй в Трóице Едýный Бóже, / изобразитися седмím икóнам повелёл еси нерукотворéнно / и явил еси преподóбнаго, имущаго седмь Параклíta Твоегó дарóв, / сия и нам подаждь, Всещéдный Царю, / да превозносим Тя во вéки.

Богорóдичен: *От всех даровáний приéмшая исткáнную рíзу, / рýсны златými одéяна предстáла еси Трóице Живоначáльной. / Стáни úбо, воздévши пречýстей рýце Твой, / и о нас, благотворéния обнажéнных, помолйся, / Ты бо еси, Пренепорóчная, покрывáющая грехй нáша.*

Песнь 9

Ирмós: *Тя, Неискусобráчную Мáтерь Бóга Вышняго, / Тя, пáче умá рóждшую слóвом войстинну Бóга, / вьшшую пречýстных Сил, / немóлчными славословлénии величáем.*

Тя, óтче, прославляющаго, прослáви Бог, / яко твоегó писáния икóнам никогдáже огонь одолевáше, / но пребывáху цéлы от пожáра невредíмы, /

яже чудодѣющія видяще, о тебѣ немолчно славословленіи Христа величаем.

Отвсюду стекахуся людіе видети преславное чудо, / яко вся иная пояде пламень огненный, / твоегоже писанія икон никакоже вреді. / Еже и мы, слышаще чудодѣствующаго в тебѣ Бога, славословленіи величаем.

Хранил еси незлобие и видел еси правоту, / житіе свое провождая во всяцей святѣни, / темже отвсюду Бог тя прославляше и изымаше от всякия напасти; / сея и нас избави твоими молитвами, святе, / да вѣну тя пѣсньми величаем.

Радуется град Ростов, содержаи икону, манием Божиим написану, / и яко многоценным сокровищем искупѣется от всех страстей, / юже лобызающе, поминает, колико Бог дѣствоваше тобою, блаженне. / Сие чудодѣствие и мы днесь чтуще, / удивляемся и славословленіи величаем.

Богородичен: Столп крепости имуще Тя, раби Твой, Богородице Дѣво, / от лица враг наших гоними, к Тебѣ прибегаем и, припадающе, молимся: / сохраняи нас, в бедахъ сущих, / Ты бо еси столп нам крепок от лица вражия и стена необорима.

Светилен:

Присно храняи тя, преподобне, в скорбех, / прииде за тя пред лицомъ твоимъ Богоматере икону написати, / юже в три часа избразивъ свѣтло, / даде во благолѣпие пречистому храму на праздник, / тебѣ же поят во храмъ Горний с сущими от вѣка святѣми праздновати. / Идѣже ныне гласомъ радости празднуай, / помяни и нас, Аліпие, отче блаженнейшій.

Слава, и ныне, Богородичен:

Храмъ сущи, Вышняго десницею созданный, / храмъ души моея, грехомъ падшій, возстави, Мати Божия, / обнові Твоимъ посещениемъ / и даждь безлености славу Тебѣ приносящимъ непрестанно Тебѣ воспѣти: / радуйся, Храме Господень, в прибежище христианомъ созданный.

На хвалітех стихіры, глас 4.

Подобен: Яко дбля:

Давідски днесь, людіе, воспоём / в пámяти твоёй, óтче всеблажённе: / насаждён был есї в дому Господни / и процвёл есї во дворе Богомáтере, / яко благовонное древо, / от негоже плоды приёмлюще исцелений, / прославляем прославльшаго тя Бóга нашего / и молимся прилѣжно уллучїти мїлость твоим ходáтайством / и душѣвным стрaстѣм исцелѣние.

Праведник, яко фїникс, процветёт; / на тебе, óтче наш Аліпие, сїе испóлнися, / при исхóдищи бо воды живыя, / богонóсных отѣц учѣния, / израстоша вѣтви твоих исправлѣний, / на ихже сень взирáюще, / к раце мощей твоих притекáем / и, любóвию объёмлюще, молимся: / подáждь, свѣте, твоими молїтвами / мир от Христá уллучїти и житию исправлѣние.

Кто по достóйною похвалїти возмóжет / труды и пóдвиги твоя, преподóбне? / Не дал бо есї сна свойма очїма, / ни вѣждома дремáния, / дóндеже дýшу свою вáпами украсїл есї добродетелей, / сообразну написуя отцѣм первоначáльным, / ихже житїя рѣвность / и в пámяти нáшей напиши, молимся прилѣжно, / да не лишїмся и мы Небесных с тѣми пребывáний.

Слáва, глас 8:

Образ слáвы Бóжия во умѣ своём имѣя вѣну, / написовáл есї в душї своёй рѣвность / непрестáнно образом шѣствовати отѣц нáших первоначáльных, / ихже житию послѣдуя, / в мѣртвенном тѣле безплóтным во свѣтыни уподóбился есї; / с нїмиже нѣне Вѣшняго Престóлу предстоя, / молїся, óтче преподóбне, / подáтися обїтели нáшей единомыслию, / яко чтýщей любóвию свѣтýю пámять твою.

И нѣне, прáздника.

Славослóвие великое, ектений,
и отпýст.

На Литургїи слýжба прáздника и преподóбнаго Аліпия.

Преподобный Алипий Печерский, один из первых и лучших русских иконописцев, постриженник преподобного Никона (память 23 марта), с молодых лет подвизался в Киево-Печерском монастыре. Иконописанию он учился у греческих мастеров, с 1083 г. украшавших Печерскую церковь в честь Успения Пресвятой Богородицы. Преподобный Алипий писал иконы даром. Если узнавал, что в какой-нибудь церкви иконы обветшали, брал их к себе и поправлял безмездно. Если же случалось, что ему платили за труд, преподобный одну часть тратил на приобретение материалов для иконописания, вторую раздавал нищим и лишь третью оставлял себе. Преподобный Алипий никогда не был праздным и оставлял иконописание только ради Божественной службы. Он был посвящен в сан иеромонаха и известен даром чудотворений еще при жизни: преподобный Алипий исцелил киевлянина, страдавшего проказой и гниением тела, помазав раны больного красками, приготовленными для писания икон. Много икон, писанных преподобным Алипием, прославились как чудотворные. Известны некоторые случаи, когда Ангелы Божии помогали ему в святом деле писания икон. Один киевлянин, построив церковь, поручил двум печерским инокам заказать для нее иконы. Иноки утаили деньги и ничего не сказали преподобному Алипию.

Прождав долгое время выполнения заказа, киевлянин обратился к игумену с жалобой на преподобного, и тут только обнаружилось, что он и не слышал о заказе. Когда принесли доски, данные заказчиком, оказалось, что на них уже написаны прекрасные лики. Когда сгорела построенная для икон церковь, все иконы остались целыми. Одну из этих икон (Успение Пресвятой Богородицы), получившую наименование Владимирская-Ростовская (празднование 15 августа), взял великий князь Владимир Мономах (1113—1125) для построенного им в Ростове храма.

В другой раз Ангел написал икону в честь Успения Пресвятой Богородицы, когда преподобный Алипий лежал в предсмертной болезни. Тот же Ангел принял душу преподобного Алипия (скончался 17 августа не позже 1114 года). Он был погребен в Ближних пещерах (память Собора 28 сентября). У правой руки преподобного Алипия три первые перста сложены совершенно равно, а два последних пригнуты к ладони—в таком молитвенном осенении себя крестным знамением скончался преподобный. Одна из икон преподобного Алипия—Пресвятой Богородицы с Младенцем-Спасителем и с предстоящими преподобными Антонием и Феодосием Печерскими—хранится ныне в Государственной Третьяковской галерее (именуемая Свенской, празднование 3 мая и 17 августа).

